



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

De S. Francisco.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

Ps. 72. 25. *rè dicamus! Quid mihi est in caelo, & à te quid volui super terram, Deus cordis mei & pars mea Deus in aeternum? Mihi adhaerere Deo bonum est.*

4. Oct.

DE SANCTO FRANCISCO.
PUNCTUM PRIMUM.

Vocatur
ad Eccle-
siam ful-
ciendum

1.

DEstinatus à Deo S. Franciscus ad labantem Christi Ecclesiam fulciendam, (sic enim ipsi & Innocentio III. revelatum est) his initiis tantum opus inchoavit. 1. Fortunis se omnibus exiit libentius, quam rogaretur à patre, quod nimium in pauperes prodigus extitisset: ut jam inde, quemadmodum aiebat, disceret, nudum in cruce Christum sequi, Deo totum traderet gubernandum, & liberius diceret *Pater noster qui es in caelis.* Felix quisquis ita se rebus humanis abdicavit, ut fiduciam totam in caelesti patre collocet. 2. relictis paternis aedibus abdit se in sylvas, ut sibi uni intentus suis se pravis affectibus facilius eximeret, liberiori Dei colloquio frueretur, illiusque laudes continuo decantaret. *Ducam eam in solitudinem,* inquit Deus, *& loquar ad cor ejus:* neque enim in vanis hominum colloquijs mundique tumultu reperitur Deus.

ose. 2.
14.

PUNCTUM II.

Quibus
medijs
usus est?
1. Ioan.
2. 16.

Ita paratus destinatum sibi opus aggreditur; Ruebat aedificium Christi dominante *Concupiscentia carnis, concupiscentia oculorum, & superbia*

perbia vite. Indigebat aliquo qui fortitudine sua vacillantes tres columnas, quibus tantum nititur ædificium, paupertatem videlicet, humilitatem, & vexationem carnis, solidaret. Hoc egit Franciscus, qui Christi imitatus exemplum paupertate, quam Reginam appellabat, domuit concupiscentiam oculorum: inaudita vitæ asperitate frænavit concupiscentiam carnis, volutans se aliquoties in nivibus, ut erumpentem extingueret, proficiscensque in Syriam, ut à Mauris post gravissimos cruciatus martyrio necaretur: superbiam vitæ singulari humilitate fregit, id crebro reputans iteransque: *Tantus quisque est, quantus in oculis Dei, nec major*, asserens insuper cum Paulo se peccatorum omnium esse primum, quod horum nemo esset, qui si à Deo fuisset pari, pari, qua ipse, gratia præventus, non longè se illi gratiorem exhibuisset. Vide qualis sis, in oculis Dei, & erubescere, si ab his Francisci virtutibus destitutus sis, quibus Christiana religio stabilitur.

PUNCTUM III.

CONSIDERA quid egerit, ut Ecclesiam Christi ubique repararet. Elegit duodecim socios viros tum probitate morum, tum doctrinâ egregios qui ab Innocentio III. summo tunc Pontifice approbati, & Apostolorum in morem per totum orbem sparsi cultum Dei mirum in modum promoverunt; quæ familia deinde ita crevit, ut nullus pene locus in orbe sit, quem

1. Cor. 1.
27. pietatis & doctrinæ suæ radiis non illustraverit ; illustrétque etiamnum. Fuit hoc summæ Dei misericordiæ, qui *Infirma mundi elegit ut confundat fortia.* Quis enim non miretur mercatorem tanta molitum, & tantæ militiæ factum esse ducem. O si non resisterem divinæ voluntati, quantum ejus gloriam promoverem!

PUNCTUM IV.

Quibus præmiis? **I**Pse certè triplex virtutum in hac vita præmium à Deo recepit. 1. Humilitati responderunt sacra vulnerum Christi vestigia, ut qui sacerdotio similis esse Christo noluerat, similis Christo crucifixo victima stupendo prodigio fieret. 2. Abdicationem rerum omnium secuta est potestas miraculorū patratorum tanta, ut ipsius quasi domini nut⁹ creaturæ omnes sequerentur. 3. Qui voluptatibus omnibus & amori proprio renunciarat inauditis mortificationibus, Dei amore, divinisque voluptatibus ita totus liquecebat, ut in extasim sæpissimè raperetur & ad multas horas vir Seraphicus in hac una cogitatione suavissimè conquiesceret. *Deus meus & omnia.* Si ad eadem aspiras præmia, easdem virtutes cole.

6. Oct.

DE SANCTO BRUNONE.

PUNCTUM PRIMUM.

1.
Solitudinem
petit.

Considera 1. Quo fervore S. Bruno inspirationi Christi paruerit. Vocatur ad austerum